

KERATAN AKHBAR

TARIKH : 14 OKTOBER 2023
AKHBAR : BERITA HARIAN
MUKA SURAT : 2

Reformasi ekonomi memperkasa rakyat

Reformasi ekonomi memperkasa rakyat

PRAKATA
PERDANA MENTERI/
MENTERI KEWANGAN

Ekonomi Malaysia telah menunjukkan keteguhan dan daya tahan yang membanggakan dengan mencatatkan pertumbuhan sebanyak 8.7 peratus pada 2022. Momentum pertumbuhan ini berterusan pada 2023 walaupun pada kadar yang lebih perlahan dengan mencatatkan pertumbuhan sederhana sebanyak 4.2 peratus pada separuh pertama 2023 disebabkan oleh kelembapan pertumbuhan ekonomi dan perdagangan global.

Perbelanjaan domestik terus memacu momentum pertumbuhan dengan sokongan asas ekonomi yang kukuh.

Kerajaan akan mendukung dasar fiskal yang kukuh bagi menyokong momentum pertumbuhan ekonomi secara mampan serta meningkatkan kesejahteraan rakyat selaras dengan kerangka Ekonomi MADANI.

Kerangka ini antara lain, memberikan tumpuan kepada pencapaian daya tahan dan kemampuan fiskal dengan sasaran deficit fiskal sebanyak 3.0 peratus dalam tahun mendatang.

Aspirasi ini juga bertujuan untuk mentransformasikan ekonomi negara bagi merealisasikan hasrat Malaysia untuk menjadi 30 ekonomi terbesar dalam tempoh 10 tahun.

Penyepuduan dasar-dasar menerusi Pelan Hala Tuju Peralihan Tenaga Negara, Pelan Induk Perindustrian Baharu 2030 dan Kajian Separuh Penggal Rancangan Malaysia Ke-12 akan mengerakkan usaha seluruh jentera kerajaan secara kolektif untuk meletakkan Malaysia sebagai sebuah ekonomi yang disegani dan terkemuka di Asia.

Pada 2024, tinjauan fiskal akan mengutamakan langkah kitaran balas dalam mendepani cabaran luaran dan menyokong inisiatif bagi menentukan hala tuju baharu ekonomi.

Dalam mengharungi cabaran dan peluang ini, kerajaan terus komited untuk mencapai deficit fiskal yang lebih rendah iaitu 4.3 peratus melalui konsolidasi fiskal.

Kita juga berazam untuk mendukung prinsip amalan kewangan awam yang bertanggungjawab dan pragmatik dalam memperkuatk semula penampang fiskal serta mengurangkan pendedahan kepada hutang dan liabiliti, dan pada masa yang sama berusaha mencapai pertumbuhan dan pembangunan sosioekonomi.

Kerajaan akan melaksanakan langkah pembaharuan fiskal yang tegas untuk mengukuhkan pengurusan dan mempelbagaikan sumber hasil, di samping mengurangkan pembaziran dan ketirisan serta mengoptimumkan perbelanjaan.

Dalam hal ini, Akta Kewangan Awam dan Tanggungjawab Fiskal yang akan berkutu kuasa dapat menggiatkan usaha untuk memperkuatk tata kelola, akuntabiliti serta ketelusuran dalam pengurusan kewangan awam.

Dalam keadaan ekonomi global yang tidak menentu, keperluan mewujudkan strategi kewangan yang teguh dan pengurusan fiskal yang berhemat tidak boleh dipandang remeh.

Laporan ini menggariskan komitmen kerajaan untuk mengekalkan standard ketelusuran dan tata kelola fiskal yang tinggi. Dengan penuh rasa tanggungjawab dan akuntabiliti, saya membentangkan perspektif menyeluruh mengenai pengurusan kewangan awam negara sebagai almahan yang digariskan dalam laporan Tinjauan Fiskal dan Anggaran Hasil Kerajaan Persekutuan 2024 ini.

Dalam menyengkap kembali pencapaian dan cabaran fiskal yang ditempuh, kita sama-sama berinspirasi mengenai harapan dan peluang yang terbuka di hadapan.

Laporan ini adalah hasil dedikasi dan sumbangan daripada pelbagai pihak berkepentingan khususnya warga kementerian dan rakyat amnya.

Justeru, saya ingin merakamkan setinggi-tinggi penghargaan kepada semua yang terlibat dalam penyediaan laporan ini.

Peri penting untuk saya menegaskan semula komitmen kami terhadap pengukuran kemampuan fiskal. Marilah kita bersama-sama berusaha mendepani cabaran, merebut peluang yang mendatang dan meraih era pertumbuhan mampan yang memberikan manfaat kepada seluruh rakyat Malaysia seiring dengan visi Malaysia MADANI.

ANWAR IBRAHIM
13 Oktober 2023